



Cumün da Valsot

Tel. +41 (0)81 861 00 60 • Fax +41 (0)81 861 00 61 •

Poz 86 • CH-7556 Ramosch

info@valsot.ch • www.valsot.ch

Affischa

Suprastanza cumünala dals 18.2.2019

Presidi: Peer-Puorger Victor

Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco

Fabrica: Paulmichl-Rodigari Albin

Giast/s:

tractandas	tema	responsabel
15	0120 Executiva Acconsentimaint protocol	tuots
16	0220 Uffizi da fabrica Dum. da fabrica no. 004/2019, saiv in lain (motiv da sgürezza), Demonti Gian Reto e Demonti Anna Mengia, parcella no. 10441, Chant Pracalögna 262A, 7556 Ramosch	vp/ap
17	7900 Planisaziun dal territori Reducziun da la sveltezza maximala a Plan da la Punt, Martina	vp/ap
18	0220 Uffizi da fabrica Tunnel Val Pischöt Dumonda davart da l'uffizi da construcziun bassa	vp/ap
19	1400 Dret general Zona da planisaziun dal cumün Ulteriura prolungaziun	vp/ap
20	7900 Planisaziun dal territori Revisiun totala da la planisaziun cumünala Ledscha da seguondas abitaziuns	vp/ap
21	0120 Executiva Mür da sustegn Plajet / recuors Decisiun a regard proceder	am/mf
22	9630 Stabels da la facultà da finanzas Chamonna Val Tramlai Scadenza dal contrat da dret da fabrica / proceder	vp
23	0120 Executiva Orientaziuns	tuots
24	0120 Executiva Varia (suprastanza cumünala)	tuots

0120 Executiva

15 **Acconsentiment protocol**

Il protocol da la sezzüda dals 22 da schner 2019 vegn approvà.

0220 Uffizi da fabrica

16 **Dum. da fabrica no. 004/2019, saiv in lain (motiv da sgürezza), Demonti Gian Reto e Demonti Anna Mengia, parcella no. 10441, Chant Pracalögna 262A, 7556 Ramosch**

Previs esa da realisar üna saiv cun pösts da lain e duos lattas (10m + 4m lunghezza). L'argumentaziun es datta, dimena our da motivs da sgürezza. I nun bsögna ne publicaziun ne il proceder dal BAB. La suprastanza es perincletta cun quai e decida da conceder quel permiss.

7900 Planisaziun dal territori

17 **Reducziun da la sveltezza maximala a Plan da la Punt, Martina**

A reguard il proget da schlargiamaint da la via maistra a Martina, sarinera – dazi infuorma l'uffizi da construcziun bassa, Urs Amstutz, chi fess sen da spostar la limitaziun da sveltezza 50 km/l'ura plü inoura i'l contuorn da la sarinera. Sün quel traget as rechattan numerusas sortidas e quella masüra diminuess il privel.

La masüra nun es però part dal proget chantunal quai chi significha, cha'l cumün stuves inoltrar separadamaing la dumonda a la pulizia da trafic.

La suprastanza va daperüna cun quai e decida d'introdüer il proceder pel permiss adequat.

0220 Uffizi da fabrica

18 **Tunnel Val Pischöt**

Dumonda davart da l'uffizi da construcziun bassa

In connex cul proget dal tunnel Pischöt ha l'uffizi da construcziun bassa interlaschà d'integrar illa submissiun da fabrica eir la natüralisaziun da la part da la via veglia culla puntina e tunnel. Uossa sto il cumün confermar, sch'el giavüscha quai o na. Davart da nos uffizi forestal nun exista ingün adöver. La suprastanza decida da pretender la renatüralisaziun.

1400 Dret general

19 **Zona da planisaziun dal cumün**

Ulteriura prolungaziun

La dürada da la zona da planisaziun relaschada dal 2017 scada sùls 21 d'avrigl 2019. Ils mezs da planisaziun nu sun amo madürs da pudair gnir approvats da la regenza, uschè chi bsögna ün'ulteriura prolungaziun da la zona da planisaziun.

La suprastanza decida d'introdüer il proceder in fatschenda.

7900 Planisaziun dal territori

20 **Revisiun totala da la planisaziun cumünala**

Ledscha da seguondas abitaziuns

Il rapport da l'examinaziun preliminar davart da l'uffizi pel svilup dal territori es avantman. La documainta es fich vasta e fin chi's po proseguir in fatschenda dürarà quai amo bler temp. La suprastanza es da l'avis, chi fa sen da tour ouravant la ledscha chi pertocca las seguondas abitaziuns. Ella decida d'introdüer il proceder in fatschenda.

- 0120 Executiva
21 **Mür da sustegn Plajet / recuors**
Decisiun a regard proceder

Il capo, Victor Peer, piglia s-chüsa pro quista tractanda.
Quella suottasta al secret d'uffizi.

- 9630 Stabels da la facultà da finanzas
22 **Chamonna Val Tramlai**
Scadenza dal contrat da dret da fabrica / proceder

Quista tractanda suottasta al secret d'uffizi.

- 0120 Executiva
23 **Orientaziuns**

Cumischiun da turissem

Armon Kirchen infuorma cha la cumischiun da turissem (cun M. Hänzi) prevezza da salvar üna dieta d'infuormaziun pels proprietaris da seguondas abitaziuns. Quella ha lö als 3 d'avuost 2019. Lö e program seguan a temp ütil. Id es giavüschà, cha'l capo opür il vicecapo spordschess il pled da salüd.

Bieraria Tschlin

Fadri Riatsch infuorma supra l'ultima tschantada dal cussagl administrativ.

- L'andamaint da gestiun 2019 ha cumanzà positiv, la qualità es fich buna
- La bieraria ha ultimamaing pudü tour in consegna il premi davart Bio Grischun – sco bun menaschi

Corporaziun Energia Engiadina / CEE

Quella invida a la radunanza da delegats, chi ha lö als 22 da marz 2019 a Susch. L'actuar annunzcha a la suprastanza ed a la direcziun in globo.

In quist connex infuorma il capo supra la tscherna dal nouv president da la CEE, dimena dal successur da Not Carl. Unicamaing ils cumüns concessiunaris pon suottametter propostas pel presidi.

L'avaluaziun pel president e'l commember liber da la suprastanza vegn fatta dals capos cumünals.

- 0120 Executiva
24 **Varia (suprastanza cumünala)**

Da la tractanda varia nu vegn fat adöver.

7556 Ramosch, 25.02.2019



Il capo:

Il manader administraziun: